

Օրինակ յեսս դարձուցանելոյ նամակ պատօսօրի Հայրա-
խնամին Հայաստանեաց:

Գ Լ ՈՒ Ն ԽԴ.

Երկիր պագանեմ միայնոյ յԱստուծոյ արար-
չին մերոյ և փառաւոր առնեմ բարձրագահ և
բարեվարք տունն հայոց, և յայտնի ձեզ հարց
և եղբարց իմոց, զի 'ի գօրութենէ պաշտօնի իմոյ
որ 'ի տէրանց և իշխանաց իմոց և ընդհանուր
պատուելի ազգէս հայոց, ընկալեալ, ահա կատա-
րեցի հրամանն ձեր որ 'ի վերայ իմ, և ձեռամբ
իմով ետու իշխանութիւն տանուտէրութեան 'ի
մէջ ժամանակի սահմանին իշխանութեան իմոյ,
առաջինն սրբակրօն Տեառն Սեղբեստրոս արք
Նպիսկոպոսի աղձնու տեղակալին սրբագան հայ-
րապետին ամենայն հայոց, երկրորդ Տեառն Վրր-
թանէսի կաղնոյ և փոխանորդ ազուանից հայոց,
երրորդ Տեառն Գալստան կաղզվանու և փոխանորդ
տուրուբերանոյ հայոց, և այժմոյս յետս դարձու-
ցանելով ընծայեմ նամակ պաշտօնին իմոյ առաջի
ատենի պատուականութեան ձերոյ, և 'ի շնորհ
'ի ձէնջ ակն ունիմ, զի ինձ արձակեցարուք 'ի խա-
ղաղութեան, և միաբան տանուտէրք 'ի բերանոյ
զծագրին իւրեանց տացեն նմա արձակում 'ի
պաշտօնէ, ասելով երթ 'ի խաղաղութեամբ, և
առեալ նամակն 'ի ձեռանէ հայրախնամին 'ի վե-
րայ նորա շարադրեալ զամենայն զոր ինչ 'ի բե-